

Oineach Banbha i mBranachaibh

[Mac Airt, Seán, *Leabhar Branach*, Dublin, 1944, poem 7]

Uilliam mac Taidhg Mic Eochadha .cc.

1 Oiníoch Banbha a mBranachuibh,
croitte ó a n-annsacht d'ealathuin,
fir nár chláidh crú seinEochaidh,
ré a gclú dháibh dealuighthior.

2 Ró teasda an ghlúin gheiniolaigh,
clú 'gan cneasda oiriomhain;
níor chuir uain ar ealadhain
guin nach uair a hoileamhoin.

3 Siad ar gcar clú is coimhliongaigh,
a mbladh súd a seanrolluibh,
seóid ríogh ón fhréimh Ragnalluigh
ré cléir nár dhíol deagbhronnaidh.

4 Fear súd d'einíoch fhionnGhuaire
nár dhiúlt breithiomh bionnlaoidhe;
breith daor a ttoigh tromdháimhe
ó bhfoil Aodh gan iolmhaoine.

5 Fear ríoghthar ós ríghfhearuibh,
neart gach mílidh mínighidh;
fuair gleó im inghin órfhalaigh,
eó inbhir an fhíreinigh.

6 Le teacht Aodha ón iombualadh
fraoch a shleagh 'na shliomfhaobhar;
teinte guail im ghalldúnadh,
ní meince fuair fionnaoladh.

7 Lion ágha im Aodh d'airmreannuibh
lé taobh trágha toirlingidh;
cliar a-réir is Ragnalluigh
go n-éir grian am ghoirmlinnibh.

8 Nós dó díol gach tromdháimhe,
dá síol ní nós neamhnuaidhe,
ar gan fhál na hiolmhaoine
lámh ré gal na gealghruaidhe.

9 Ré feadh foghla fuaighfidhir
teagh dá omra ós fherthluigh,
Aodh ré haghuidh fuarchaluidh

taobh ré haraidh d'énachabhair.

10 Fian Bhranach re mbaineachlaigh,
cia an caladh nach comharthair?
laoich gonta ar eól n-anaithnidh,
seól corcra is dá gcomharthaibh.

11 Tig dhó go réidh ríoghmhaoine,
don dáimh is é is aonGhuaire,
téid soin do réir ríoghdháimhe
céim tar Choin na Craobhruidhe.

12 Fríoth réir dá gcóig comhadhaibh
re cléir an Fhóid Fhuineadhuigh;
meóir Aodha eidir fhileadhuibh
craobha a ndeóidh an duileabhair.

13 Coill as fhuide ó n-anfuithir
croinn do chuire a n-aithchrithir;
mionn scéith óir ar anchaithimh
fá nóin san chléith caithfithir.

14 Gur mhear mná agus mílidhe
san ágh dob fhear móroire;
do-chuaidh ainm ar nAodhui-ne
lé cruaidh [a airm] órdhoidhe.

15 Gabhuidh d'íoc 'na échtghonuibh,
críoch fhaghla fá aointeinidh;
an taobh as-tuigh d'aoltoruibh
a-muigh lé hAodh fhaoigfidhir

16 Fódla mar tá tárrabhair,
tráth d'fhógra dá haoigheadhaibh,
tú is Goill am ráth ríoLughaidh,
roinn nár ghnáth ó Ghaoidhealuibh.

17 Tearc d'fhaobhruibh colg gcaoillíneach
laochruidh na long sídheólach;
[le] gonoibh greagh n-óirshrianach
sreabh oroibh dob fhíreólach.

18 Don té lér fhás t'oirbhire
níorbh é tráth na turbhuidhe,
do cholg ar áth n-iorghoile
mar as gnáth ord urluidhe.

19 Geall réd ghnaoi nárbh urusa
do dhearbh gach draoi deighfheasa;

guin béime do bhladhu-sa,
an fhéile a luibh leigheasa.

20 Tosd ní théid ar t'fhileadhuibh
thort go ttéid an gheamhadhuigh;
fear d'fhaire cuain chomhaidhigh
uaibh is th'aire ar ealadhuin.

21 Ar dháil crú do cheannchabhair
an clú ar chách le gcinnfidhir;
do ghruadh 'na trágh tromthoruidh,
an cuan lán nach lingfidhir.

22 Giodh trén ar feadh fíorfhoghla,
a dhaimh ré na rígealbha,
do fhás a crú caolomna
do chlú ar bhfás na fíneamhna.

23 Do thuill tú ar áth n-iorghoile
gan cách réd chlú ag coimhrighe;
deargthar libh gual gallbhaile,
mar sin nár fhuar h'oirbhire.

24 Tír gan chrodh 's dá comharthuibh;
dol díbh re bhar ndaghaithribh,
le roinn fiach ní fuirighthir
dod dhoirr re hiath n-anaithnidh.

25 Díol Énna an fhian airdcheanach
ar n-éra giall galltulach;
tú a ttocht risin imeadhach,
do chlú ort ag antobhach.

26 Fál Gall am ghort seinMhidhe,
am do thochta a ttairngire;
ciall a n-adhnadh th'oirbhire,
fiadh Almhan fá ainbhfine.

27 Fiodhbha ag folcadh gormfhabhra
dár fhioch tobair tiormamhla;
do reic sí fonn fionnBhanbha,
tonn is í gan iorlabhra.

28 Tug teas an fhóid fhionnBhranaigh
nár thearc grian a ngoirmfheadhuibh;
ré craoibh ceóil a gcomhroghuin
faoidh eóin fán Maoin moillshreabhaigh.

29 Do ling uamha aonathaigh

re heing snuadha sróilleathain;
suan ar chláradh caoilleathair
níor thuar áladh d'fhóirithin.

30 Triall slóigh na sleagh nuachorcra
fá Bhóinn Breagh níor mhaoitheachtra;
ealta na n-eang suaithionta,
gearr budh leanta an laoichealta.

31 Mac Seaáin 's a síodhaidhe
do bhac radháil ríghfhleidhe;
líontar cuach craobh n-órdhuidhe
d'Aodh le fuath na fírshreibhe.

32 Líon falaigh róid ríoghdhúnaidh
Branagh 'na mbróin niamhshróluigh;
cia an sciath óir 's an t-aoimhílidh
nár dhóigh fhiach am iarnónaidh?

33 D'éis chean ag ól fhuaireasa
fear scéith óir is aonasa,
bean 'na rogha ríleasa,
teagh dá fhogha an Aodha-sa.

34 Laoich fá dhuille am dhubhnónaidh
ré taoibh buinne bhailbhghrianuigh;
saor má do bhí ar bhainríoghuin,
ní bhí Aodh ón ainliamhain.

35 Laoch mar fhéinnidh Almhaine
fá réidhe gcor gcoimhneimhe,
líon gráidh Inbhir Inghine
innlidh ré dáil ndoinnfhleidhe.

36 Fuair mnaoi ré cóir ciúineasa
do scaoil am nóin nuaigheasa;
re feadh eachtra an Aodha-sa
bean is ealta fhuaireasa.

37 Riar Branach ní baramhail,
gabhid siad ré seanfhalaidh;
síodh d'éra acht ar fhileadhuibh,
síol Éna is dá n-ealadhuin.

38 Tréinfhear go ttairm ttréinleómhain,
féinnidh an airm fhírlínigh,
béin fá Aodh am iarnónaidh
ní raon réidh do ríghmhílidh.

39 Laoich dearbhtha ar dlaoi nuadhuille
cealgthar lé faoidh faoilinne,
géill Gall a n-ucht fuaraille
do bharr ar lucht laoidhinge.

40 Dóibh níorbh fhada ar aoiniomdhaidh
re cóir mara mínimligh;
cuilt chaol a gcoim fuairinbhir,
Aodh dá roinn le ríghinghin. o.i.n.i.o.c.h

41 A cruth saorghlan síothamhail
a caomhna ar ghuth gnáthoighidh;
ní meadh don mhnaoi Thuathaluigh
acht bean go ngnaoi ngnáthoinigh.

42 Daghbhladh ó [a] céibh chornabhlaigh
téid fán mBanbha mbalbhaibhnigh;
clú a sean isna seinleabhruibh
do bhean bú don bhanLaighnigh.

43 Gég nach uaisle an fhíneamhuin,
gné a gruadh mar an mbáinealaidh
.....
.....